

que nigris, tarsis posticis tibia paullo magis quam $\frac{3}{5}$ (σ) vel fere triplo (φ) brevioribus, articulo ultimo duobus primis simul sumtis longitudine subaequali.

29. *Tuponia conspersa* Reut.

Diagn.: Inferne virescens, albido-variegata, superne capite virescente, pronoto, scutello hemielytrisque albidis, maculis parvis rotundatis saturate viridibus conspersis, clavo medio, corio medio, cuneo basi et apice innotatis; membrana albido-hyalina, venis albidis vel connectente virescente, macula albida ad apicem cunei postice stria nigricante terminata, pone hanc striam macula alia majore limbi exterioris albida, interne vitta longitudinali nigricante terminata, limbo apicali leviter grisescenti-fumata; capite basi pronoti vix $\frac{1}{6}$ (σ) vel $\frac{1}{5}$ (φ) angustiore, vertice oculo solum circiter $\frac{1}{3}$ (σ) vel duplo (φ) latiore; oculis maris maximis, valde convexis et prominentibus, fortiter granulatis; antennis articulo secundo utriusque sexus gracili, latitudini capitis aequali longo (σ) vel hac parum longiore (φ); pedibus albidis, femoribus viridi-conspersis, tibiis punctis nigris e punctis sat magnis nigris nascentibus. Long. 2 mm.

Hab. in Turkestan (Michailovo! d. 20 junii), D. Prof. J. Sahlberg.

Descr.: *T. punctipedi* Reut. et *concinnae* Reut. affinis, huic corpore superne viridi-consperso similis, ab amobus autem oculis maris maximis valde convexis et fortiter granulatis divergens. Caput verticale, gula haud distinguenda, margine maris communi posteriore verticis et oculorum ab antico viso arcum concavum formante, fronte feminae fortius convexa, interdum maculis duabus testaceis notata. Oculi nigri, maris maximi, feminae mediocres supra superficiem verticis et frontis vix prominentes. Rostrum apicem coxarum intermediarum vix superans, apice nigro. Antennae albido-virentes. Pronotum basi longitudine circiter duplo latiore, apice longitudine parum (σ) vel paullo (φ) latiore, callis leviter flaventibus. Dorsum abdominis